

VENDIM
Nr.1093, datë 2.7.2008

**PËR MIRATIMIN E STRUKTURËS DHE TË NIVELEVE TË PAGAVE TË PUNONJËSVE
TË SISTEMIT TATIMOR**

Në mbështetje të nenit 100 të Kushtetutës dhe të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, me propozimin e Ministrit të Financave dhe të Ministrit të Brendshëm, Këshilli i Ministrave

VENDOSI:

1. Struktura dhe nivelet e pagave të punonjësve të Drejtorisë së Përgjithshme të Tatimeve të jenë sipas lidhjes nr.1, që i bashkëlidhet këtij vendimi dhe është pjesë përbërëse e tij.

2. Paga e grupit (kolona 2), e lidhjes nr.1 “Diploma e shkollës së lartë”, është 11 000 (njëmbëdhjetë mijë) lekë.

3. Shtesa për vjetërsi në punë (kolona 3), e lidhjeve nr.1, jepet në masën 2 për qind, pas çdo viti pune, deri në 25 vjet, dhe llogaritet mbi pagën e grupit.

4. Shtesa për kualifikim (kolona 4), e lidhjes nr.1, përcaktohet si më poshtë vijon:

Nëpunësit e Drejtorisë së Përgjithshme të tatimeve përfitojnë shtesë për kualifikim, gradë apo titull shkencor, të përcaktuar sipas lidhjes nr.2, që i bashkëlidhet këtij vendimi dhe është pjesë përbërëse e tij.

Kriteret e përfitimit të shtesës janë:

a) Kjo shtesë jepet kur kualifikimi, grada apo titulli shkencor përputhen me përshkrimin e punës së nëpunësit, pas miratimit, rast pas rasti, nga Departamenti i Administratës Publike.

b) Kur nëpunësi ka kualifikim, gradë apo titull më të lartë, se ai i përcaktuar për pozicionin e tij, sipas lidhjes nr.2, që i bashkëlidhet këtij vendimi, përfiton vetëm shtesën e përcaktuar për pozicionin.

c) Kur nëpunësi ka kualifikim, gradë apo titull më të ulët, se ai i përcaktuar për pozicionin e tij, sipas lidhjes nr.2, që i bashkëlidhet këtij vendimi, e përfiton shtesën në përputhje me kualifikimin, gradën apo titullin shkencor.

Në çdo rast si më sipër, pavarësisht nga kualifikimi, grada apo titulli, që ka nëpunësi, ai përfiton shtesën vetëm për gradën apo titullin shkencor më të lartë.

Drejtoria e Përgjithshme e Tatimeve për aplikimin e shtesës për kualifikim duhet të zbatojë rregullat e udhëzimit nr.1, datë 18.4.2008 të Ministrisë së Arsimit dhe Shkencës, Ministrisë së Financave dhe Departamentit të Administratës Publike.

5. Shtesa për pozicion është sipas kolonës 5, të lidhjes nr.1, që i bashkëlidhet këtij vendimi.

6. Nëpunësit, që përfshihen në fushën e veprimit të këtij vendimi, nuk përfitojnë shtesa të tjera mbi pagë.

7. Pagat për pozicionet mbështetëse në Drejtorinë e Përgjithshme të Tatimeve të jenë sipas lidhjes II/M dhe II-5, të vendimit nr.726, datë 21.12.2000 të Këshillit të Ministrave “Për pagat e punonjësve të institucioneve buxhetore, të ndryshuar.

8. Vendimet nr.437, datë 3.9.1993 “Për pagat e punonjësve të tatimeve dhe të doganave”, dhe nr.369, datë 14.6.2006 “Për miratimin e strukturës dhe të nivelit të pagave të punonjësve të sistemit tatimor”, të ndryshuar, të Këshillit të Ministrave, shfuqizohen.

9. Efektet financiare, që rrjedhin nga zbatimi i këtij vendimi, të përballohen nga fondet e parashikuara për politikën e pagave, miratuar për vitin 2008.

10. Ngarkohet Ministria e Financave për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2008.

KRYEMINISTRI
Sali Berisha

STRUKTURA E PAGAVE TË SISTEMIT TATIMOR
STRUKTURA DHE NIVELET E PAGAVE TË NËPUNËSVE NË APARATIN E DREJTORISË SË
PËRGJITHSHME TË TATIMEVE

POZICIONI	Kategoria	Paga e grupit (PG)	Shtesa vjetore për vjetërsi (SHV)	Shtesa për kualifikim (SHK)	Shtesa e pozicionit (SHP)	Shtesa për kushte pune
	1	2	3	4	5	6
Titullari i institucionit	II-a	11000	2%		103 500	20 000
Zëvendës drejtor i Përgjithshëm	II-b	11000	2%		86 500	15 000
Drejtor drejtorie	III-a	11000	2%		68 500	15 000
Përgjegjës sektori	III-a/1	11000	2%		58 300	14 000
Përgjegjës sektori	III-b	11000	2%		51 500	10 000
Inspektor audit i brendshëm/kontroll i brendshëm	III-b	11000	2%		51 500	10 000
Specialist	IV-a	11000	2%		39 000	10 000
Specialist	IV-b	11000	2%		29 000	10 000
Sekretar	IV-b	11000	2%		29 000	5 000

STRUKTURA DHE NIVELET E PAGAVE TË NËPUNËSVE NË DREJTORITË RAJONALE TË
TATIMEVE

POZICIONI	Kategoria	Paga e grupit (PG)	Shtesa vjetore për vjetërsi (SHV)	Shtesa për kualifikim (SHK)	Shtesa e pozicionit (SHP)	Shtesa për kushte pune
	1	2	3	4	5	6
Drejtoria rajonale	III-a	11000	2%		68 500	15 000
Drejtor Drejtorie	III-a/1	11000	2%		58 300	15 000
Përgjegjës sektori/zyre	III-b	11000	2%		51 500	13 000
Specialist/inspektor I	IV-a	11000	2%		39 000	13 000
Specialist/inspektor II	IV-b	11000	2%		29 000	11 000
Specialist/sekretar	IV-c	11000	2%		21 500	5 000

POZICIONI	KUALIFIKIMI/GRADA/TITULLI SHKENCOR	SHTESA (LEKË/MUAJI)
Titullar i institucionit	Profesor	30 000
	Profesor i asocuar	25 000
Zëvendëstitullar i institucionit	Doktor i shkencave	20 000
	Doktor i shkencave	25 000
Drejtor drejtorie		

Përgjegjës/shef sektori inspektor, specialist	Studime të thelluara pasuniversitare/master i nivelit të dytë Studime specializuese afatgjatë	10 000
	Studime të thelluara pasuniversitare/master i nivelit të dytë	20 000

Shënim. Vlerat 20 000 lekë për diplomat “Master i nivelit të dytë/studime të thelluara pasuniversitare” dhe 25 000 lekë, për gradën shkencore “Doktor i shkencave”, aplikohen për nëpunësit/titullarët, që i kanë përfituar diplomat përkatëse në universitetet, apo shkollat e larta të vendeve të përcaktuar sipas listës që i bashkëlidhet udhëzimit të përbashkët të Ministrisë së Arsimit dhe Shkencës, Ministrisë së Financave dhe Departamentit të Administratës Publike.